

DISSE
DISSERTATIO INAUGURALIS
MEDICA

D E P T E R Y G I O,

Q U A M

V T GRADUM DOCTORIS MEDICI-
NAE ET CHIRURGIAE

IN UNIVERSITATE LITERARUM CAESAREA
DORPATENSI

R I T E A D I F I S C A T U R


CONSENTIENTE AMPIISSIMO MEDICORUM
ORDINE

DIE II. DECEMB. MDCCCV.

P U B L I C E D E F E N D E T

A U C T O R

L A S E R I T Z I G, FIRMIENSIS,
MEDICINAE MAGISTER.



D O R P A T I - L I V O N U M ,
LITERIS MICHAELIS GERHARDI GRENZII,
TYPOGRAPHI ACADEMICI.

P r a e f a t i o .

D e scientia tam amplissima, vt medicina,
quam Cl. Viri in diem magis excolere
omnem dant operam, cum Terentio dici pot-
est: „nihil est dictum, quod non dictum sit
prius, attamen nihil non est dicendum.“ Mag-
ni autem momenti opus ab eo, qui hoc ipso
tempore scholas academicas relinquit, exspecta-
ri non potest. Si ergo ad adipiscendum gradum
doctoris a candidato ipso dissertatio scribitur,
raro aliquid perfecti prodit. Candidatus, ne-
cessitate dissertationem scribendi, coactus,

D 21594

argumentum aliquid arripit, et quidem ea ex parte medicinae, in quam plurimum ad huc tempus et operam impendit, praecipue que si quid ex practica parte medicinae proponit, minus experientia eductus magis tantum opiniones celeberrimorum virorum adducere potest. Nos de Pterygio scripsimus quia saepius morbos oculorum observandi nobis fuerit occasio.

§. I.

Pterygium (a graeco πτεργόν, ala) membranulam esse ab interno oculi angulo (vel ex caruncula lacrimali vel ex membranula semilunari) per totum oculi bulbum se obtendentem, visum atque ipsius oculi motum impedientem, fere omnes veteres autores censuerunt ¹⁾ et recentiores etiam hanc fententiam assument ²⁾; et si obseruationes iam olim sint notae, Pterygium a margine superiori corneae, quam ab

1) Boerhave de morbis oculorum. Götting, MDCCII..
pa. 68.

Plenk Lehre von den Augenkrankheiten, übersetzt von Wasserberg, Wien 1778, pag. 180.

Heisters Chirurgie. Nürnberg 1743. pag. 566.

2) Rowley's Abhandlungen über die vorzüglichsten Augenkrankheiten, aus dem Englischen übersetzt, 1792, pag. 190.

inferiori, ab interno oculi angulo, quam ab externo oriri posse.¹⁾

§. II.

Hae observationes ab iisdem autoribus factae, qui huius opinionis sunt, sententiae ipsorum refutationem continent.

Cl. Richter multis cum argumentis hanc sententiam refutauit^{2).}

§. III.

Sed recens, et celeberrimus auctor, Scarpa, qui de morbis oculorum, et praecipue hoc de morbo scripsit, obseruauit; Pterygium magis a superiori margine corneae, quam ab inferiori, ab externo oculi angulo, quam ab interno oriri posse, sicut huic, iam veteratae sententiae favere videtur.

Sequentibus verbis affirmat: Les chirurgiens appellent pterygion cette membranule contre nature d'un rouge cendré, de figure triangulaire, qui partent le plus souvent de l'angle interne de l'oeil, proche la caroncle lacrymale, s'étend peu à peu sur la cornée, avec un dérangement notable de la vue^{3).}

1) Heistler l. c.
Plenk l. c.

2) Obseruationum chirurgicarum fascicl. III. pag. 4.
Noui comentarii Societatis Regiae Scientiarum Gotting. Tom. VIII. pag. 50.

3) Traite pratique de maladies des Yeux à Paris 1802. Tom. 1. pag. 361.

De quo, le nuage de la cornée, alium morbum, ex eius opinione, separauit, eumque sequenti modo descripsit: Il me plaît d'appeler ainsi la maladie dont il s'agit pour la distinguer avec précision de l'albugo et du leucoma (pag. 299.) et (pag. 300.)

Les vaisseaux veineux de la conjonctive, assez relachée dans cet état de l'ophthalmie, cedent chaque jour davantage au sang dont le cours est ralenti dans leur intérieur. Morbus est ergo coniunctivae et ab albugine et leucomate sufficiente ex causa distinctus. Albugo et leucoma enim in cornea ipsa sedem habent.

§. IV.

Non intelligi autem potest quam ob rem auctor le nuage (nuvoletta) de la cornée, a Pterygio separaverit, idque tanquam alium morbum descriperit.

Primum enim ambo, vt iam animaduertimus, locum habent in coniunctiva, quae corneam obducit. Porro ea diuisio hanc ob rem, scilicet quia Pterygium ex interno oculi angulo oritur, nullam habet causam. Haec enim sententia iam diu est refutata¹⁾

Tertio causa primaria, quare auctor Pterygium a le nuage de la cornée separavit, sc. quia

1) Richterus l. c.

Pterygium formam habeat triangularem ¹⁾ cuius basis sclerotica nititur, apex vero in corneam, usque ad pupillam expanditur, pari modo, fundamento carere videtur.

§. V.

Primum enim nulla est causa, quapropter Pterygium figuram triangularem habeat, cum in primis saepius formam semilunarem imitetur.

Deinde, haec figura triangularis si ad efficiendum formam Pterygii necessaria esset, ab aliis etiam medicis ut necessaria iam proposita fuisse. Sed apud alios, qui de morbis oculorum scripserunt, nulla huius affirmationis exempla inuenimus.

Acrell ²⁾ (e.g.) expressis verbis resert: coniunctivam in telam carnosam mutatam fuisse, quae corneam transparentem obduxit, et ab omnibus partibus magnis cum vasis se conjunxit. Pag. 46 quidem observationis mentionem facit, ubi Pterygium ad ambos oculi angulos in figuram triangularem expanditur; hanc figuram triangularem essentialem autem esse haud proponit. Figura hoc loco, ut in aliis fortuito adfuisse videtur.

Denique, non intelligi potest, qualis sit indicatio ex figura hausta. Immo auctor ipse (pag. 362) affirmit: Entre l'ophtalmie chronique variqueuse

avec relachement et epaissement de la conjonctive, le nuage de la cornée et le pterygion, il n'y a à présent parler, d'autre différence, que dans le degré plus ou moins avancé de la maladie.

Eo minus concedendum est, Pterygium a le nuage de la cornée separandum esse.

§. VI.

Nos sequenti modo morbum definimus: Pterygium est inflammatio eius partis coniunctivae, quae corneam obducit, nec ab aliis inflammationibus coniunctivae differt, nisi relatione loci.

Vasa sanguinea coniunctivae, quae sclerotica obducit, in corneae coniunctivam continuantur. Status sanitatis humores tenues, pellucidos continent, si autem dilatantur, et, loco fluidi transparentis, sanguinem recipiunt: oritur morbus quem Pterygium vocamus.

§. VII.

Primum oritur Pterygium iisdem ex causis, quae in genere ophthalmiae ansam praebent.

Secundum. Non intelligi potest, cur dilatatio vasorum eius partis coniunctivae, quae sclerotica obducit, inflammatio, eademque dilatatio, si in corneam continuatur, alias sit morbus.

Tertium. Pterygium eandem requirit medelam, quam ophthalmia in genere, eandemque habet exitum.

1) I. c. pag. 367 aliisque in locis.

2) Chirurgische Geschichte, im Königl. Lazarete zu Stockholm angemerkt. Pag. 44.

Inflammatio exigua, et coniunctiuā adhuc transparentis est, atque nullis vasis, vel tamen paucis intertexta conspicitur, siveque Pterygium, (Pterygium tenuē s. ungula) vocatur. Inflammatio vehementis contra, coniunctiuā multis vasis intertexta, Pannus vocatur.

§. VIII.

Causae Pterygium efficiētes sunt: primum, generales et quidem: refrigeratio maximeque ventus frigidus, affectio lucis, praecipue noctu luminis candelarum.

Hae causae praecipue inflamationes producunt, nec semper incipientes obseruantur.

Aeger nempe de oculi dolore quaerens et lumen minus tolerare potest, auctamque præparationem lacrymarum observabis. Nec tamen causam inuenire potes, nisi oculum diligenter scruteris. Sed si palpebram superiorem attollis, aegrumque, oculum in inferiorem partem vertere iubes, rete choroideum in superiori parte scleroticae obseruabis.

§. IX.

Si quid temporis praeterlapsum est, in superiori corneae annulus cinerei coloris, obseruatur, qui gerontoxon aemulatur. Hoc in annulo paulatim vasa, sanguine repleta, adspiciuntur, quae sensim sensimque in corneam propagantur.

§. X.

Secundum: locales causae, scilicet: Irritatio ciliorum, si nempe ita reflexa sunt, ut bulbum irritare possint. Aliena corpora in oculum iniecta, quae oculum mechanice irritant, e. g. arena, aristae, puluis, et nostris in regionibus, praecipue fumus, quocum tuguriola incolarum semper sunt repleta.

Medicamenta noxia:

A balsamo ophthalmico St. Yves, a Piderit mutato in psorophthalmia adhibito tempore 24 horarum Pterygium oriri vidi, quod supra descripto modo, a margine superiori corneae originem cepit, et usque ad pupillam extendebatur.

§. XI.

Exitus idem est, ophthalmiae:

Primum morbus soluitur, i. e. inflammatio tollitur, oculusque in statum sanitatis restituitur, quod medicamentis solum chemicis fieri potest. Si vero negligitur, transit vel: Secundum in indurationem i. e. Pterygium fit crassius, durius, ligamentosum imo cartilaginosum, quod multi pannum vocant. Etsi hoc in statu, morbus adhuc curari potest, tamen prognosis minus bona habetur; non enim nisi medicamento mechanico, operatione sanatur; vel abit

Tertio in suppurationem, qua status oculi fit periculosior: denique in Pterygium malignum i. e.

oculus vehementer dolorificus et deformis redditur, imo in cancrum degenerare potest. Id si euenit prognosia est pesima. Multis quidem cum medicamentis periculum facere possumus, attamen in fine ad oculi exstirpationem, fuscipiendam vt vnicum refugium, coacti sumus.

XII.

Duplici modo curari potest.

Primum: medicamentis chemicis.

Nullius autem est utilitatis, medicamenta, olim adhibita, nunc iam veterata, afferre, et solum de iis loquimur, quae etiam nunc applicantur; et quidem ordinem ab Arnemano¹⁾ descriptum sequimur.

Primo Olea, vt: Axungia viperina, osfium medulla, oleum ouorum, oleum nucum juglandum, bilis plurimis ex animalibus, liquor hepaticus mustelae fluuiatilis, oleum camphoratum. Omnia interim haec medicamenta non magna digna sunt commendatione. Minime enim cum lacrymis mixtionem ineunt, non reforbentur, neque praesstant, quid expectatur, plicis enim coniunctiuae inhaerent, sicque plus nocent, quam adiuuant. Immo etiam hoc habent incommodum, quod facile rancida fiant, quod etiam de balsamis ophthalmicis valet; interim

¹⁾ Arneman, von den Krankheiten der Augen. Göttingen 1801.

olim praecipue ranciditas a medicamentis oleofis postulabatur, ut eo magis corrodant.

Secundo: Sales, vt Zincum sulphuricum, hydrargyrum muriaticum corrosium, borax, ammonium muriaticum, tartarus stibiatus, alumen vftum, aerugo, puluis ophthalmicus Baldingeri, saccharum, liquor ammonii pyro-oleosi, ammonium carbonicum pyro-oleosum.

His medicamentis notandum est, formam pulueris non esse optimam. Etsi quidem enim a lacrymis soluitur, tamen prius, quam fieri potest, mechanice oculum irritat, quod in parte valde irritabilo, vt oculi, omnino damnum afferre potest.

Tertio: Narcotica, vt:

Opium (tinctura opii simplex et crocata) digitalis purpurea (tinctura et extractum), aqua laurocerasi, extractum cicutae, chelidonii, belladonnae, aloes. Aquae ophthalmicae aliis formis sunt antepondere, mixtionem nempe cum lacrymis ineunt, vires que suas in omnes partes aequaliter exferunt.

§. XIII.

Secundum, medicamenta mechanica. Multa medicamenta mechanica a veteribus adhibita sunt vt: osfa sepiae, limatura flanni, interim inutilia cum sint, praeterimus; et solum de operatione, medicamento mechanico, multis in casibus, vt vnicum refugio loquimur, at quidem de methodis visitationibus.

Triplex autem est methodus operandi.

§. XIV.

Prima, forcipe subtili (pincette) coniunctiua, quo laxius ad corneam adhaeret, in plicam attollitur scalpelloque abscinditur. Cornea, loco, tegumento priuato, haud magnopere vitiosa si inuenitur operando continuatur, totaque coniunctiua paullatim et accurate separatur: cauendo tamen, ne cornea laedatur. Quod propositum potissimum obtinetur, si forcipe coniunctiua a cornea caute abducitur. Partes si quae coniunctiuae inueniuntur, quae arctius ad corneam adhaerent, melius est, eas non separare, non enim sine laesione corneae separari posunt, et praeterlapso tempore, hae reliquiae detruduntur. Plerumque haemorrhagia, exigua, tantum intervenit¹⁾.

§. XV.

Secunda methodus Acrelli est. Forcipe subtili coniunctiua loco, quo laxius ad corneam adhaeret, in plicam attollitur, scalpelloque inciditur. Cornea bonae indolis adhuc si inuenitur, coniunctiua, forcipe praeiensa et eleuata, circulari sectione forifice potissimum, quae totam corneam circumdat, disse-

1) Scarpa l. c. Pag. 375.

Richters Anfangsgründe der Wundarzneikunde, 3ter Thl. §. 143. iisdem fere verbis. Bernsteins praktisches Handbuch, 4ter Thl. pag. 331, et

Beers Lehre von den Augenkrankheiten, 1. Th. §. 523.

catur, ita vt pars illa coniunctiuae, quae corneam tegit, separetur a coniunctiua scleroticae.

Praeterlapsis aliquot diebus coniunctiua contrahitur facileque abscindi potest²⁾.

§. XVI.

Tertia methodus secundum Bell²⁾. Methodus haec potissimum adhiberi potest, si Pterygium non totam corneam tegit, et in eo consistit, singula vt vasa, quae a coniunctiua scleroticae in Pterygium expanduntur, discentur, vt nutritio plane cesset, nec tamen coniunctiua corneae a coniunctiua scleroticae seiungatur. Vas autem plane discedendum est, fin minus, multies vnicum vas disferari debet. Methodus haec, vbi adhiberi potest, maiori cum utilitate adhibetur antea nominatis, quia cornea tegumento non priuetur. Cl. Bell cultellum hoc in vsum suadet. Tribus in casibus, vbi Pterygium a margine superiori corneae oriens totam pupillam et fere totam corneam obtexit visuque fere toto priuauit, cultellum et forficulam summa cum utilitate adhibui.

1) Richter l. c. §. 144.

Arneman l. c. Pag. 66.

Beer l. c. §. 524.

2) Bell's Lehrbegriff der Wundarzneikunst, aus dem Englischen, 3ter Theil, pag. 206 et 207.

Theses.

1.

Signa pronostica non sunt concedenda.

2.

Morbos non admittimus.

3.

In omnibus affectionibus morbos unica est indicatio.

4.

Inflammatio est vasorum capillarium dilatatio.

5.

Et in asthenicis inflammationibus venae sectio nem admittimus.

6.

Absque laesione hymenis conceptio fieri potest.

7.

Hermaphroditos existere negamus.

8.

Fatuos et macilentos invenimus.

9.

Cutim esse organon respirationis non conce dimus.

10.

Causam febris in respiratione quaerendam esse negamus.

11.

Omnino et partus ferotinus sive retardatus existit.

12.

Nondum certissime nutritio foetus explicari potest.
